



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Pavli Laymann è Societate I: Theologiae Moralis  
Compendiv[m] absolutissimum et in quinq[ue] libros  
partitum**

**Laymann, Paul**

**Moguntiae**

3. De obligatione sacrificandi.

**urn:nbn:de:hbz:466:1-40716**

*De obligatione sacrificandi.*

- 1 **S**acerdos etsi curam animarum non habeat, mortaliter peccare videtur, nisi aliquoties in anno sacrificet v. c. ter vel quater, quia sacrificium pertinet ad offerendum Deo, ad quod quilibet sacerdos obligatur ratione ordinationis suæ, quippe in quo non tantum potestatem, sed etiam officium seu munus sacrificandi suscipit, contraria tamen sententia est grauium authorum S. Bonaventuræ, Hallensii, Victoris; simplicem sacerdotem cessante scandalo & contemptu non obligari sub culpa mortali ad sacrificandum, dummodo sacram communionem cum laicis in Paschate sumat, quia nullius præcepti diuini aut humani obligatio satis ostendi potest, & sanctos quosdam viros ob humilitatem à sacrificando abstinuisse legimus.
- 2 Sacerdos curatus frequenter toties scilicet, quoties subditi sacrum audire tenentur, obligatus est ad sacrificandum vel alium substituendum. Nam ideo Parochi à fidelibus oblationes & decimas accipiunt, quia ipsis dispensare debent ea, quæ ad salutem necessaria sunt.
- 3 Parochus ex officio non videtur esse obligatus ad sacrificandum pro parochianis suis: Ratio, quia beneficia curata propriè instituta sunt ad pascendum populum verborum & sacramentorum ministracione; non item ad sacrificandum pro illo. Quandoquidem id per se non pertinet ad spirituales pastum ouium commissarum, æquiritamen ratio postulat, vt parochi pro suis subditis frequenter intra & extra sacrificium supplicent.

Si



Si Parochianus offerat stipem pro sacrificio eius  
 cui, quo scit Parochum sacrificare obligatum esse  
 illa intentione, contentus esse censetur obligatione  
 secundaria, ne alioquin aliam parochiam accedere  
 cogatur.

In Ecclesiis Cathedralibus collegiatis & conven-  
 tualibus quotidie sacrificium celebrari debet.

NB. Numerum missarum vel anniuersariorum  
 minuere ob casum necessitatis ad Episcopum, vel  
 Ordinis Prælatum pertinet, ita tamen vt eorum o-  
 mnium defunctorum, qui pro tuarum animarum  
 salutem aliquid reliquerunt, commemoratio fiat, id  
 est collecta aliqua interponatur.

Capellanus ex officio obligatur ad eum missarum  
 numerum, quem literæ foundationis requirunt: Ex-  
 cepti nisi reditus sint distracti, vt Aschaffenburgi.

NB. Refert vt ùm obligatio sacrificii quoridia-  
 na loco an personæ à fundatore imposta fuerit.

NB Præterea in quibusdam Ecclesiis consuetudo  
 est, ut Capellanis, quibus quotidiani sacrificii obli-  
 gatio incumbit vnum vacationis diem in hebdo-  
 mada largiri, eo quòd ob humanam fragilitatem sa-  
 cerdotes præsertim seculares, omnibus omnino die-  
 bus ad sacrificandum dispositi non sint.

Si iustum impedimentum, v.c. infirmitas breui  
 tempore, vnâ vel alterâ septimanâ, duraturâ sit, non  
 tenetur obligatus Capellanus, vt alium sacrifican-  
 tem substituat. Nam etiam hæretus, tamen si iure  
 carere possit de mercede famuli propter e-  
 us aggritudinem, si tamen pius & benignus sit,  
 non facile detrahere solet. Si autem aggritudo  
 diutius duret, tunc Vicarius Sacellano statuen-  
 dum est, ne ligno tempore Ecclesia & Fundator



spirituali fructu priuentur. Quod limita; Nisi stipendium tenue sit & alendo infirmo Capellano necessarium: siquidem etiam dominus famulo ægro-  
tanti necessaria alimenta præstare debet.

- 3 Consuetum est sacerdotibus, vt quotidie sacrificent exemplum S. Andree, diciturque deo iuge sacrificium. Quod si tamen sacerdos non bene dispositum se sentiat, melius est ob sacramenti reuerentiam quandoque à sacrificando abstinere.

## C A P. IV.

*De tempore quo sacrificare licet vel non licet.*

- 1 **C**omuni iure licitum non est, ante auroram sacrificare, neque post meridiem: Ratio, quia nocturnum tempus non ita idoneum est, vt populus cum tanta reuerentia interesse possit, sicut tempore diurno.
- 2 In die Natalis Domini omnes tres missas ante auroram celebrare licet.
- 3 Episcopus ob causam dispensare potest, vt ante auroram, vel post meridiem celebrare licet.
- NB. Consuetudo in his partibus septentrionalibus tribus vel quatuor horis ante Solis ortum Missam inchoandi, non debet reprehendi, quia in his regionibus in hyeme Sol serò oritur.
- 4 Ob causam necessitatis licitum est post meridiem celebrare, ne infirmus sine viatico decedat propter Principis funus, propter publicam concionem festo die vsque ad meridiem perductam; Imò ex quacunque iusta occasione potest Missa paulo post meridiem vno vel altero quadrante inchoari, quia huiusmodi